

七十二家集

潘黃門集卷之三

晉滎陽潘岳安仁著

明閩漳張燮紹和纂

賦

笙賦

河汾之寶有曲沃之懸匏焉鄒魯之珍有汶陽  
之孤篠焉若乃縣蔓紛敷之麗漫潤靈液之滋  
隅隈夷險之勢禽鳥翔集之嬉固衆作者之所  
詳余可得而略之也徒觀其制器也則審洪纖

面短長則生斡裁熟簧設宮分羽經徵列商泄  
之反謐厭焉乃揚管攢羅而表列音要妙而含  
清各守一以司應統大魁以爲笙基黃鍾以舉  
韻望儀鳳以擢形寫皇翼以插羽摹鸞音以厲  
聲如鳥斯企翺翺岐岐明珠在味若銜若垂脩  
撾內辟餘簫外透駢田獵擺鯽鯢參差於是乃  
有始泰終約前榮後悴激憤於今賤永懷乎故  
貴衆滿堂而飲酒獨向隅而掩淚援鳴笙而將  
吹先嘯噦以理氣初雍容以安暇中佛鬱以拂

惛終鬼我以蹇諤又颯逕而繁沸罔浪孟以惛  
悵若欲絕而復肆慟傲糴以奔邀似將放而中  
匱愀愴惻滅虺赫煜熠汎滛汎豔雪燁岌岌或  
案衍夷靡或竦勇剽急或既往不反或已出復  
入徘徊布濩渙衍葦襲舞旣蹕而中輟節將撫  
而不及樂聲發而盡室歡悲音奏而列坐泣擗  
纖翻以震幽簧越上箎而通下管應吹喻以往  
來隨抑揚以虛滿勃慷慨以慘亮顧躊躇以舒  
緩輟張女之哀彈流廣陵之名散詠園桃之夭

天歌棗下之纂纂歌曰棗下纂纂朱實離離宛  
其死矣化爲枯枝人生不能以行樂死何以虛  
謚爲爾乃引飛龍鳴鵠雞雙鴻翔白鶴飛子喬  
輕舉明君懷歸荆王喟其長吟楚妃歎而增悲  
夫其悽喉辛酸嚶嚶關關若離鴻之鳴子也含  
嘲譁諧雍雍喈喈若羣雛之從母也郁將劫悟  
泓宏融齋哇咬嘲嘲壹何察慧訣厲悄切又何  
磬折若夫時陽初暖臨川送離酒酣徒擾樂闕  
日移疎客始闌主人微疲弛絃韜簫徹塤屏虓

爾乃促中筵携友生解嚴顏擢幽情披黃苞以  
授甘傾縹瓷以酌醺光妓儼其階列雙鳳嘈以  
和鳴晉野悚而投琴况齊瑟與秦箏新聲變曲  
奇韻橫逸縈纏歌鼓網羅鐘律爛熠燿以放豔  
鬱蓬勃以氣出秋風詠於燕路天光重於朝日  
大不踰宮細不過羽唱發章夏導揚韶武協和  
陳宋混一齊楚邇不逼而遠無攜聲成文而節  
有敘彼政有失得而化以醇薄樂所以移風於  
善亦所以易俗於惡故絲竹之器未改而桑濮

之流已作惟簧也能研羣聲之清惟笙也能總  
衆清之林衛無所措其邪鄭無所容其淫非天  
下之和樂不易之德音其孰能與於此乎

相風賦

混元恍其初判二氣變而無窮動靡微而不兆  
象有始而必終思先天而不違立成器以相風  
棲靈鳥於帝庭似月離乎紫宮飛輕羽於竿杪  
若鸞翔乎雲中廣莫興而習坎景風發而遡離  
闔闔揚而曲指明庶起而東移

又

採脩竹于層城歷寒暑而靡凋踞神獸於下趾  
棲靈鳥于上標



射雉賦

宋徐爰注

涉青林以游覽兮樂羽族之羣飛

樂羽翮之類或羣或飛飲

啄恣性也聿采毛之英麗兮有五色之名翬

聿述也述序羽

族之中采飾英麗莫過翬也翬雉也英者雄果之目名者聲聞之稱也

厲耿介之

專心兮麥雄豔之娉姿

厲嚴整也麥豐也娉好也美色曰豔言雉嚴整

其不羣之性奮揚其雄豔之貌見敵必戰不容他雜此之謂英麗也麥赤氏切

巡丘陵

以經畧兮畫墳衍而分畿

巡行也言周行丘陵因其墳衍以為疆界

分而護之不相侵越也青幽之問土高且大者通之曰墳雉一界之內要以一雄為主餘者雖

衆莫敢鳴雉也此於是青陽告謝朱明肇授

四時

也月靡木不滋無草不茂初莖蔚其曜新陳柯撼

以改舊蔚然初生之莖曜其新暉撼然陳宿之柯變其舊色言新舊咸茂也撼彫柯貌

也天泱泱以垂雲泉涓涓而吐溜涓涓清新之色泱音英涓

古玄麥漸漸以擢芒雉鳴鳴而朝雉漸漸含秀之貌也微

子曰麥秀漸漸鳴鳴雉聲也又云雉之朝雉尚

求其雌雉不得言雉頽延年以潘為誤用也

案詩有鷩雉鳴則云求牡及其朝雉則云求雌

今云鷩鷩朝雉者互文以舉雄雉皆鳴也此以

上序節物氣候難可射之時也眇箱籠以揭驕睨驍媒之變態

獨騁志意肆也箱籠作器盛媒者也凡竹器箱

方面密籠員而疏盛媒器籠形者養鳥宜員也

箱密者不欲令見明也言感辰景之韶淑樂出

采之榮茂悟暉雉之奮逸思得藝之肆志顧觀

箱籠詩察驕媒恣睢睢猶意顯得奮勁骸以角也楚辭揭驕字作拈驕揭居桀切

搓瞬悍目以旁睩也散睩也角邪也搓斫也悍戾也瞬視貌睩視也奮其堅勁

之脛以利距邪斫瞬其剛戾之鶯綺翼而賴撾目以旁視其敵也瞬力新切鶯文章貌也詩云有鶯其羽翼

灼繡頸而袞背如綺文章貌也詩云有鶯其羽翼如綺文繡則赤也撾毗也灼盛

貌也頸毛如繡背如袞章言五采備也鬱軒翥以餘怒思長鳴以

效能鬱暴怒也軒起望也方言云翥舉也鬱然暴怒軒舉長鳴思見野敵效其才能也此

以上言媒之形勢爾乃塋場拄翳停僮葱翠綠栢參差

文翮鱗次蕭森繁茂婉轉輕利衷料戾以徹鑿

表厭躡以密緻擊者開除之名也今俗人通有此語射者聞有雉聲便除地爲

場枉翳於草停僅翳貌也葱翠翳色也枉株庾  
切翳上加木枝衣之以葉上則蕭森下則繁茂  
而實綢繆輕利也婉轉綢繆之稱斜疾小而微  
也詠躡重司密也翳外覲密緻與草木無別內  
視制微多所觀見也此以上序翳之形飾  
罕至遊雉媒名江淮間謂之遊遊者言可與遊  
也言既芟場枉翳又恐媒起不早野雉希  
至原禽雉也雉不處  
下濕故曰原禽也  
寓視企想雉出專視草際心爲之疲目爲之  
倦也此以上言枉翳之後遲獲之意也何  
調翰之喬桀邈疇類而殊才候扇舉而清叫野  
聞聲而應媒調翰謂媒也媒性調良故謂調翰  
喬桀俊逸也言邈絕疇類殊異才  
氣也扇布也形如手巾叫鳴也將欲媒雉振  
布令有聲媒便清叫野雉聞即應而出也  
褰

微罟以長眺已踉蹌而徐來

罟罟也罟網也古者當以細網掩翳

窓上視外處其制未聞也今則以板矣言聞野

筆應懽之聲知其必出開翳戶長視已見踉蹌

徐來也踉蹌乍行乍止不迅疾之貌也

摘朱冠之葩赫敷藻翰之

陪鰓鰓赫赤色貌也陪鰓奮怒之貌也首葍綠素身柁黼繪方言

也猶纏裹也言雉首線色頸葍素青鞞藻靡

也黼黼也繪畫文也身采如繪也

丹臆蘭絳鞞夾尾間也莎草名楚辭曰青莎雜

草之靡也臆膺也膺色青也言雉尾間青毛如莎

也絳同也宋衛之間謂混為絳也或蹶或啄

時行時止皆得意之斑尾揚翹雙角特起雄壯

也此以上言野良遊哢喔引之規裏良遊嫖也

也此以上言野良遊哢喔引之規裏言嫖哢喔

也此以上言野良遊哢喔引之規裏言嫖哢喔

也此以上言野良遊哢喔引之規裏言嫖哢喔

也此以上言野良遊哢喔引之規裏言嫖哢喔

也此以上言野良遊哢喔引之規裏言嫖哢喔

其聲誘引令入應叱愕立擢身竦峙時立也既入可射之

內來迅不止因便叱之雉捧黃閒以密穀屬剛

掛以潛擬捧舉也黃閒弩名也張衡云黃閒機張一名黃肩倒禽緦以

遙落機聲振而未已射應也禽被箭躍起而反落弩聲猶未歇言其來疾

也山驚悍害森迅已甚驚雉似山雞而小冠背毛黃腹下赤頂綠色其

性悍戾愁害飛走如風之森也爾雅越壑凌岑

飛鳴薄廩驚性悍戾愁害飛走如風之森也爾雅越壑凌岑且飛且鳴

今俗呼翳鯨牙低鏃心平望審鯨當作擎舉也舉弩牙低矢鏃

名曰倉也毛體摧落霍若碎錦雉尚不止於體中射之毛體被散如錦之

以射

分散逸羣之儔擅場挾兩逸羣儔異之雜不也

也兩雌櫟雌妬異倏來忽往櫟擊搏也聞他雄鳴擊搏其雌倏忽往來

無時止也忌上風之餐切畏映日之儻朗餐切微動之聲

儻朗其忌聲而畏光也屏發布而累息徒心煩而伎

憊屏除其布不敢散氣意者恐微有所聞便驚而逝既無由使媒鳴欲射則紛紜不定空心

煩而伎憊有伎藝伊義鳥之應敵啾攫地以厲

欲義鳥媒也為人致敵故名曰義媒見野雉紛紜難中啾然攫地而鳴引令來鬪理蒼曰攫

地爪持也三彼聆音而逕進忽交距以接壤野

若曰啾聲也雉聞媒聲便逕來鬪彤盈窓以美發紛首頽而

交距距蹶地土壤相接

臆仰

形赤也盈滿也言其光彩滿當於憲美取其意而發矢既與媒戰形當翳憲發弩

極美正射其頸首頽

或乃崇墳夷靡農不易壠

墳大防今呼為塘也夷靡頽馳也易

穉菽叢榛

翳蒼萃茸

也穉穉類也菽豆也謂勞豆之屬野生也田既荒廢雜草繁茂翳蒼萃茸深

貌鳴雄振羽依于其冢

冢山顛也爾雅曰山頂曰冢言野之雄雉振其

羽翼鳴雌

捫降丘以馳敵雖形隱而草動

捫疾貌也

言雉解於高丘之頂捫然降下向敵不見其形而見草動也捫一本或作捫字而專切

瞻

挺穉之傾掉意淦躍以振踊

挺穉草莖也掉動言瞻草莖傾動知

雉將至意淦躍不定而振踊也

噉出苗以入場愈情駭而神悚



楚辭曰：「噉將出兮，東方回觀。」  
當至噉然而出，果其所願，精神愈驚動。  
望鑿合

而翳晶雉腴肩而旋踵。  
言雉出苗望諸處，鑿然合惟翳晶然獨顯仍。

飲其旋反也。人飲身，飲余志之精銳，擬青顱而。

點頂。  
項也。顱，頭也。飲音欣也。亦有目不步體。

邪眺旁剔。  
目不步體，視與體違也。邪眺，靡聞而。

驚無見自驚。  
驚亦從脈方言云：「脈俗謂周環廻。」

復繚繞盤辟。  
皆廻從往復。戾，驂旋把縈隨所歷。

戾轉也。把，驂內所執處也。言轉。  
彳于中輟馥焉。

中鎬。  
彳于止貌也。輟，止也。鎬，前劇重膺傍截疊。

春青月長  
卷三  
七

翻正橫射也刻割也前若夫多疑少決膽劣心

狷雉性怯而多疑內無固守出不交戰內心也

心無堅守外來若處子去如激電處子處女也

射之山有神人居綽約若處子來若闕問薔葉

處女之畏人去若激電之迅疾也闕問薔葉於

悞歷乍見闕於外乍見乍隱不敢出場也於

分銖商遠邇分銖弩牙後刻畫定矢所至

草射之故計其分揆懸刀騁絕伎懸刀弩牙後

銖商其遠近也發故言騁絕伎也如輓如軒不高不埤言至

當味值胸裂膝破觜射面也膝喉受食處也觜

味鳥夷險殊地馴麤異變地有平險之殊惟有味也

不可為異不暇食夕不告勸言樂之者忘饑倦也昔賈氏

之如皋始解顏於一箭醜夫為之改貌憾妻為

之釋怨妻所以愁恨者怨其夫之醜也今見獲

妻釋怨彼遊田之致獲咸乘危以馳驚何斯藝

之安逸嗟禽從其已豫驚疾也田獵也言遊獵

出越潤常清道而行擇地而住人多則雉驚故

乘危險也尾飾鑣而在服肉登俎而永御豈

而行擇善地而住為場也唯皂隸此焉君舉若乃耽盤流遁放心不移忘

唯皂隸此焉君舉若乃耽盤流遁放心不移忘

其身恤司其雄雌樂而無節端操或虧此則老  
氏之所誠而君子之所不爲

盤樂也恤憂也司主也老子曰馳騁

敗獵令人  
心發狂

螢火賦

喜熠燿之精將與衆類乎超殊東山感而增嘆  
行士慨而懷憂翔太陰之玄昧抱夜光以清遊  
頗若飛電之宵逝曄似移星之雲流動集陽暉  
灼如隋珠熠燿熒熒若丹英之照葩飄飄頻頻  
若流金之在沙載飛載止光色孔嘉無聲無臭  
明影暢遐軟朝霞於曠野庇一葉之垂柯無干  
欲於萬物豈顧恤于網羅至夫重陰之夕風雨  
晦暝萬物眩惑翩翩獨征奇姿燎朗在陰益榮

猶賢哲之處時時昏昧而道明若蘭香之在幽  
越群臭而彌馨隨陰陽以飄飄非飲食之是營  
問螽斯之無忌希夷惠之清貞羨微虫之琦瑋  
援彩筆以爲銘

河陽庭前安石榴賦

有序

石榴者天下之奇樹九州之名果也是以屬文之士敘而賦之

仰天路而高睇顧隣國以相望位莫微於宰邑  
館莫陋于河陽雖小縣陋館可以邀遊實有嘉  
木曰安石榴脩條外暢榮幹內樛扶疎偃蹇冉  
弱紛柔於是暮春告謝朱夏戒初新莖擢潤膏  
葉垂腴曾華曄以先越含榮羈其方敷丹暉綴  
於朱房綳約點乎紅鬚煌煌煒煒熠燿委累似

潘黃門集

卷三

七

琉璃之棲鄧林若珊瑚之映綠水光明燐爛含  
丹耀紫味滋芳神色麗瓊藥遙而望之煥若隋  
珠擢重淵詳而察之灼若列星山雲間千房同  
模千子如一御渴療饑解醒止疾旣乃攢乎狹  
庭載阨載褊土階無等肩牆惟淺壁衣蒼苔瓦  
被駁蘚處僻而榮在幽彌顯其華可玩其實可  
珍羞于玉公薦于鬼神豈伊仄陋用渝厥貞葉  
猶如之而况於人



蓮花賦

偉玄澤之普衍嘉植物之並敷遊莫美于春臺  
華莫盛于芙蕖於是惠風動冲氣和眄清池翫  
蓮花舒綠葉挺纖阿結綠房列紅葩仰含清液  
俯濯素波脩柯婀娜柔莖葍蕩流風徐轉迴波  
微波其望之也曄若皦日燭崑山其卽之也晃  
若盈尺映藍田

芙蓉賦

蔭蘭池之豐沼育沃野之上腴課衆榮而比觀  
煥卓尊而獨殊押騰雲布宙咤星羅光擬燭龍  
色奪朝霞丹輝拂紅飛鬚垂的斐披葩赫散煥  
燿燿流芬賦采風靡雲旋布濩磊落蔓衍天閑  
發清陽而增媚潤白玉而加鮮

橘賦

余齋前橘樹冬夏再熟聊爲賦云爾

嗟嘉卉之芬華信氛氲而芬馥旣蒼茸而萎蕤  
且參差而櫛蠹已鬱鬱而冬茂亦離離而夏熟  
至如廣命賓客歷覽遊觀三清既設百味星爛  
炫焜乎玉案照曜於金盤故成都美其家園江  
陵重其千樹旣見稱於陸言亦標名乎馬賦

秋菊賦

垂采煒於芙蓉流芳越乎蘭林遊女望榮而巧  
笑鵷雛遙集而弄音若乃真人採其實王母接  
其葩或克虛而養氣或增妖而揚娥旣延期以  
永壽又蠲疾而弭痾

潘黃門集卷之四

晉滎陽潘岳安仁著

明閩漳張燮紹和纂

詩

關中詩

十六章

元康六年氏賊齊萬年於關中  
反亂既平帝命諸臣作關中詩

於皇時晉受命既固三祖在天聖皇紹祚德傳  
化光刑簡枉錯微火不戒延我寶庫

蠢爾戎狄狡焉思肆虞我國青窺我利器嶽牧

慮殊威懷理二將無專策兵不素肄

翹翹趙王請徒三萬朝議惟疑未逞斯願桓桓  
梁征高牙乃建旗蓋相望偏師作援

虎視眈眈威彼好時素甲日耀玄幕雲起誰其  
繼之爰侯卿士惟系惟處別營恭峙

夫豈無謀戎士承平守有完郭戰無全兵鋒交  
卒奔孰免孟明飛檄秦郊告敗上京

周殉師令身膏氏斧人之云亡貞節克舉盧播  
違命投畀朔土爲法受惡誰謂荼苦

哀此黎元無罪無辜肝腦塗地白骨交衢夫行  
妻寡父出子孤俾我晉民化爲欲俾

亂離斯瘼日月其稔天子是矜盱眙食宴寢主憂  
臣勞孰不祗慄愧無獻納尸素以甚

皇赫斯怒爰整精銳命彼上谷指日遄逝親奉  
成規稜威遐厲首陷中亭揚聲萬計

兵固詭道先聲後實聞之有司以萬爲一紂之  
不善我未之必虛鼎沸德繆彰甲吉

雍門不啓陳汧危偪觀遂虎奮感恩輸力重圍

克解危城載色豈曰無過功亦不測  
情固萬端于何不有紛紜齊萬亦孔之醜曰納  
其降曰梟其首疇真可掩孰偽可久

旣徵爾辭旣蔽爾訟當乃明實否則證空好爵  
旣縻顯戮亦從不見寶林伏尸漢邦

周人之詩寔曰采薇北難獫狁西患昆夷以古  
況今何足曜威徒愍斯民我心傷悲

斯民如何荼毒于秦師旅旣加饑饉是因疫癘  
淫行荆棘成榛絳陽之粟浮于渭濱



明明天子視民如傷申命羣司保爾封疆靡暴  
于衆無陵于疆惴惴寡弱如熙春陽

爲賈謐作贈陸機

十一章

肇自初創二儀綱縕粵有生民伏羲始君結繩  
闡化八象成文芒芒九有區域以分

神農更王軒轅承紀畫野離疆爰封衆子夏殷  
既襲宗周繼祀綿綿瓜瓞六國互峙

彊秦兼并吞滅四隅子嬰面櫬漢祖膺圖靈獻  
微弱在涇則渝三雄鼎足孫啓南吳

南吳伊何僭號稱王大晉統天仁風遐揚僞孫  
銜璧奉土歸疆婉婉長離凌江而翔

長離云誰咨爾陸生鶴鳴九臯猶載厥聲况乃  
海隅播名上京爰應旌招撫翼宰庭

儲皇之選實簡惟良英英朱鸞來自南岡曜藻  
崇正玄冕丹裳如彼蘭蕙載採其芳

藩岳作鎮輔我京室旋及桑梓帝弟作弼或云  
國宦清塗攸失吾子洗然恬淡自逸

廊廟惟清俊又是延擢應嘉舉自國而遷齊魯

羣龍光讚納言優游省闕珥筆華軒

昔余與子纒纒東朝雖禮以賓情通友僚嬉娛  
絲竹撫鞞舞韶脩日朗月携手逍遙

自我離羣二周于今雖簡其面分著情深子其  
超矣實慰我心發言爲詩候望好音

欲崇其高必重其層立德之柄莫匪安恒在南  
稱甘度北則橙崇子鋒穎不頽不崩

北芒送別王世胄

朱鑣旣揚四轡旣整駕言餞行告離芒嶺情有

遷延日無餘影迴轅南翔心焉北騁

家風詩

綰髮綰髮髮亦鬢止日祇日祇敬亦慎止靡專  
靡有受之父母鳴鶴匪和析薪弗荷隱憂孔疚  
我堂靡構義方旣訓家道頽頽豈敢荒寧一日  
三省

於賈謐坐講漢書

治道在儒弘儒由人顯允魯侯文質彬彬筆下  
摘藻席上敷珍前疑惟辨舊史惟新惟新爾史

既辨爾疑延我寮友講此微辭

離合

佃漁始化人民穴處意守醇樸音應律呂桑梓  
被源卉木在野錫鸞未設金石拂舉害咎蠲消  
吉德流普谿谷可安奚作棟宇嫣然以熹焉懼  
外侮熙神委命已求多祐嘆彼季末口出擇語  
誰能默識言喪厥所壟畝之諺龍潛巖阻勘義

崇亂少長失敘

思楊容  
姬難堪

金谷集作詩

王生和鼎寶石子鎮海沂親友各言邁中心悵  
有違何以敘離思携手游郊畿朝發晉京陽夕  
次金谷湄迴谿縈曲阻峻阪路威夷綠池泛淡  
淡青柳何依依濫泉龍鱗澗一作澗激波連珠揮  
前庭樹沙棠後園植烏桺靈囿繁石善作若榴茂  
林列芳梨飲至臨華沼遷坐登隆坻玄醴染朱  
顏但慙杯行遲揚桴撫靈鼓簫管清且悲春榮  
誰不慕五臣作耀歲寒良獨希投分寄石友白首同  
所歸

河陽縣作二首

微身輕蟬翼弱冠忝嘉招在疚妨賢路再升上  
宰朝猥荷公叔舉連陪廁王寮長嘯歸東山擁  
耒耨時苗幽谷茂織葛峻巖敷榮條落英隕林  
趾飛莖秀陵喬卑高亦何常升降在一朝徒恨  
良時泰小人道遂消讐如野田蓬幹流隨風飄  
昔倦都邑游今掌河朔徃登城眷南顧飢風揚  
微綃洪流何浩蕩脩芒鬱岵巒誰謂晉京遠室  
邇身實遜誰謂邑宰輕令名患不劭人生天地

間百年孰能要歟如敲石火譬若截道颺齊都  
無遺聲桐鄉有餘謠福謙在純約害盈由矜驕  
雖無君人德視民庶不忼

日夕陰雲起登城望洪河川氣冒山嶺驚湍激

巖阿歸鴈暎蘭時

五臣作詩

游魚動圓波鳴蟬厲寒

音時菊耀秋華引領望京室南路在伐柯大厦

五臣作夏

緬無覲崇芒鬱嗟我總總都邑人擾擾俗

化訛依水類浮萍寄松似懸蘿朱博糾舒慢楚  
風被琅邪曲蓬何以直託身依叢麻黔黎竟何



常政成在民和位同單父邑愧無子賤歌豈敢  
陋微官但恐忝所荷

在懷縣作二首

南陸迎脩景朱明送末垂初伏啓新節隆暑方  
赫曦朝想慶雲興夕遲白日移揮汗辭中宇登  
城臨清池涼飈自遠集輕襟隨風吹靈圃耀華  
果通衢列高椅瓜瓞蔓長苞薑芋紛廣畦稻栽  
肅芊芊黍苗何離離虛薄之時用位微名日卑  
驅役宰兩邑政績竟無施自我違京輦四載迄

于斯器非廊廟姿屢出固其宜徒懷越鳥志眷戀想南枝

春秋代遷逝四運紛可喜寵辱易不驚戀本難爲思我來水未泮時暑忽隆熾感此還期淹歎彼年徃駛登城望郊甸游目歷朝寺小國寡民務終日寂無事白水過庭激綠槐夾門植信美非吾土祇攬懷歸志眷然顧輦洛山川邈離異願言旋舊鄉畏此簡書忌祇奉社稷守恪居處職司

內顧詩二首

廣文選作  
潘尼者非

靜居懷所歡登城望四澤春草鬱青青桑柘何  
奕奕芳林振朱榮淥水激素石初征水未泮忽  
焉衿締綌漫漫三千里迢迢遠行客馳情戀朱  
顏寸陰過盈尺夜愁極清晨朝悲終日夕山川  
信悠永願言良弗獲引領訊歸期沈思不釋  
獨悲安所慕人生若朝露綿邈寄絕域眷戀想  
平素爾情旣來追我心亦還顧形體隔不達精  
爽交申路不見山下松隆冬不易故不見澗邊

相歲寒守一度無謂希見疎在遠分彌固

悼亡詩三首

荏苒冬春謝寒暑忽流易之子歸窮泉重壤永  
幽隔私懷誰克從淹留亦何益俛恭朝命迴  
心反初役望廬思其人入室想所歷幃屏無髣  
髴翰墨有餘跡流芳未及歇遺挂猶在壁悵恍  
如或存周遑忡驚惕如彼翰林鳥雙栖一朝隻  
如彼游川魚比目中路析春風緣隙來晨雷承  
簷滴寢息何時忘沉憂日盈積庶幾有時衰莊

正猶可擊

皎皎窓中月照我室南端清商應秋至溽暑隨  
節闌凜凜涼風升始覺夏衾單豈曰無重纈誰  
與同歲寒歲寒無與同朗月何朧朧展轉盼枕  
席長簟竟牀空牀空委清塵室虛來悲風獨無  
李氏靈髣髴覩爾容撫衿長歎息不覺涕霑胸  
霑胸安能已悲懷從中起寢興目存形遺音猶  
在耳上慚東門吳下愧蒙莊子賦詩欲言志此  
志難具紀命也可奈何長戚自令鄙

曜靈運天機四節代遷逝淒淒朝露凝烈烈夕  
風厲奈何悼淑儷儀容永潛翳念此如昨日誰  
知己卒歲改服從朝政哀心寄私制茵幘張故  
房朔望臨爾祭爾祭詎幾時朔望忽復盡衾裳  
一毀撤千載不復引壘壘暮月周戚戚彌相愍  
悲懷感物來泣涕應情隕駕言陟東阜望墳思  
紆軫徘徊墟墓間欲去復不忍徘徊不忍去徒  
荷步踟躕落葉委埏側枯荻帶墳隅孤魂獨煢  
然安知靈與無投心遵朝命揮涕強就車誰謂

帝宮遠路極悲有餘

哀詩

濯如葉落樹邈若雨絕天雨絕有歸雲葉落何  
時連山氣冒岡嶺長風鼓松栢堂虛聞鳥聲室  
暗如日夕晝愁奄逮昏夜思忽終昔展轉獨悲  
窮泣下沾枕席人居天地間飄若遠行客先後  
詎能幾誰能弊金石

思子詩

造化甄品物天命代虛盈柰何念稚子懷奇隕

幼齡追想存髮髯感道傷中情一往何時還千載不復生

別詩

堆爲成都王軍司馬  
岳送至北邙別作詩

微微髮膚受之父母我我王侯中外之首子親

伊姑我父唯舅

世說曰阮千里姨兄弟潘安仁  
中外安仁詩所謂子親伊姑我

父唯舅是

許允婿

閣注相註詔

閣東有大牛王濟鞅裴楷鞅和嶠刺促不得餘



事親孝和厚懷仁  
王濟別勸不得云

表

上關中詩表

詔臣作關中詩輒奉詔竭愚作詩一篇案漢記  
孝明時護羌校尉竇林上降羌顛岸以爲羌豪  
岸兄顛吾復降問事狀林對前後兩屈坐誣罔  
下獄死齊萬年編戶隸屬爲日久矣而死生異  
辭必有詭譎故引證喻以懲不恪

書

詐作愍懷太子書

賈后將廢太子詐解上不和呼太子入朝既至后不見置于別室遣婢陳舞賜以酒東通飲醉之使黃門侍郎潘岳作書草若禱神之文有如太子素意因醉而書之令小婢承福以紙筆及書草使太子書太子醉迷不覺遂依而寫之其字半不成既而補成之后以呈帝

陛下宜自了不自了吾當入了之中宮又宜速自了不了吾當手了之并謝妃共要尅期而兩發勿疑猶豫致後患茹毛飲血於三辰之下皇

天許當掃除患害立道文爲王蔣爲內主願成  
當三牲祠北君大赦天下要疏如律令

議

九品議

天生蒸民而樹之君使司牧之勿失其性君不獨治於是乎建牧立監陳其輔佐故曰天工人其代之然則高官厚祿非明崇賢所以興治卑位下役非爲鄙愚所以供職雖或開榮辱之門有爭競之弊而百王莫之能易者此道不可以二故也方今天下隆平四海攸同薦賢達善各以類進夫觀民宣化爲治之本雖實小邑猶須

其人又中正之身優劣懸殊苟知人者智則不  
知者謬矣莫如達官各舉其屬方獄九列朝所  
取信郡守雖輕有刺史存舉之常否實司其事  
考績累名施黜陟焉進賢受賞不進賢其戮沮  
勸旣明則人自爲謀庶公道大行而私謁息矣

# 上客舍議

謹按逆旅久矣其所由來行者賴以頓止居者  
薄收其直交易貿遷各得其所官無役賦因人  
成利惠加百姓而公無末費語曰許由辭帝堯  
之命而舍於逆旅春秋外傳曰晉陽處父遇甯  
戚於逆旅魏武皇帝亦以爲宜其詩曰逆旅整  
設以通商賈然則自堯到今未有不得客舍之  
法唯商鞅尤之此固非聖世所言也方今四海  
會同九服納貢八方翼翼公私滿路近畿輻輳

客舍亦稠冬有溫廬夏有涼蔭芻秣成行器用  
取給疲牛必投乘涼近進發糶寫鞍皆有所貼  
又諸劫盜皆起於迥絕而止乎人衆十里蕭條  
則奸軌生心連陌接館則寇情震懾且聞聲有  
救已發有追不救有罪不追有戮禁暴捕亡恒  
有司存凡此皆客舍之益而官攤之所乏也又  
行者貪路告糴炊爨皆以昏晨盛夏晝熱又兼  
星夜旣限早閉不及攤門或避晚關遶逐路隅  
祇是慢藏誨盜之原苟以客舍多敗法教官守



棘樵獨復何人彼河橋孟津解客輪錢高第賢  
察數入校出品郎兩岸相檢猶懼或失之故懸  
以祿利許以功報今賤吏疲人獨專樵稅管開  
閉之權藉不校之勢此道路之蠹奸利所殖也  
率歷代之舊俗獲行留之懽心使客舍灑掃以  
待征旅擇家而息豈非衆庶顒顒之望

潘黃門集卷之五

晉滎陽潘岳安仁著

明閩漳張爕紹和纂

頌

許由頌

邈哉許公執真履貞辭堯天下抱樸隱形川停  
岳峙澹泊無營棲遲高山與世靡爭虛薄忝任  
來宰斯城愧無惠化豹產之政栽栽治所樂慕  
景名登基逍遙來過墓庭逼於時憲傾筐不盈

恨無旨酒奠公之靈死而不朽公其有榮聊述  
雅美揚公馨聲

贊

故太常任府君謚贊

堂堂我君鑒象開慶逸德宣猷含真履素味道  
無悶守終純固弓興爰集撫翼清舉翰飛公庭  
龍升天路初長方國流化千里遂管秘籍辨章  
舊史入登常伯出作卿士外內惟允庶績咸理  
中節日新令聞不已濟濟儒林翼翼國子

箴

荅摯虞新婚箴

先王制禮隨時爲正俯從企及豈乖物性女無  
二歸男有再聘女實存色男實存德德在居正  
色在不惑新舊兼弘義申理得然性情之際誠  
難處心君子過慮爰獻明箴防微測顯文麗音  
深敬納嘉誨敢酬德音

摯虞新婚箴附

今在哲人遭家不造結髮之麗不同偕老旣

納新配內芬外藻厚味腊毒大命將夭色不  
可耽命不可輕君子是憚敢告後生

訓

兩階銅人訓

言之有臧託乎多士言之不臧絕之由已無目  
莫傳宣于四海無曰莫聞響振萬里樞機之發  
榮辱之徵怨豈在大纖介是興

碑

司空鄭衮碑

陳謨台階翼和鼎實顯績成於臺管清風暢於  
所蒞故能老安少懷遠至邇親凡厥縉紳之士  
所以挹酌洪流含咀英芳者猶旱苗之仰膏雨  
湛露之晞朝陽也銘曰

於鑠元侯則天垂象弘操嶽峻宇量深廣允恭  
克讓宜哲清朗有始有卒可大可久言由忠信  
行履孝友光光金貂再冠其首赫赫皇符仍折



其部義格皇穹德冠羣后清風顯烈沒而不朽

荊州刺史東武戴侯楊使君碑

肇字季初滎陽人封東武伯薨謚曰戴君誕保  
靈和繼期載德宣哲清朗直道高尙若乃嘉號  
推賢博愛濟衆邦黨服其義而縉紳慕其風于  
時文后曆數在躬相國幕府實允華夏九德咸  
事俊乂在官成君名器納字參軍宏略披於南  
國美化行乎江漢西陵之役懸軍深入親薄寇  
壘躬行天誅旣而救兵不進糧盡道窮因乃撫  
然廻慮毀其衆而返雖爲法受黜勲庸未崇而

笑乎伏其勇世主思其忠

哀文

景獻皇后哀策文

於穆先后儷皇協運世宗之胤德博化光用儉  
禮峻任姒隆周后亦母晉終溫且惠其儀淑慎  
既慎其儀克明禮教撫翼齊藩訓成弘操其慈  
有威不舒不暴乃家乃邦是則是效嗟余艱屯  
仍遭不造靡恃惟妣景命弗保心之云痛痛貫  
穹昊襲龜筮之良辰啓幽房之潛隧整武駕之  
隆牡結龍輶之綈駟望旂常而崩摧披輶輦以

增歛口嗚咽以失聲目橫逆以灑淚邈雨絕於  
宮闈長無覲於彷彿

哀求逝文

啓夕兮宵興悲絕緒兮莫承俄龍輻兮門側嗟  
俟時兮將升嫂姪兮悼惶慈姑兮垂矜聞鳴雞  
兮戒朝咸驚號兮撫膺逝日長兮生年淺憂患  
衆兮歡樂鮮彼遙思兮離居歎河廣兮宋遠今  
柰何兮一舉邈終天兮不及盡余哀兮祖之晨  
揚明燎兮援靈輜撤房帷兮席庭筵舉醑觴兮  
告永遷悽切兮增歔俯仰兮揮淚想孤魂兮眷  
舊宇視倏忽兮若髣髴徒髣髴兮在慮靡耳目

今一遇停駕兮淹留徘徊兮故處周求兮何獲  
引身兮當去去華輦兮初邁馬迴首兮旋旆風  
冷冷兮入帷雲霏霏兮承蓋鳥俛翼兮忘林魚  
仰沫兮失瀨悵悵兮遲遲遵吉路兮凶歸思其  
人兮已滅覽餘跡兮未夷昔同塗兮今異世憶  
舊歡兮增新悲謂原隰兮無畔謂川流兮無岸  
望山兮寥廓臨水兮浩汗視天日兮蒼茫面邑  
里兮蕭散匪外物兮或改固歡哀兮情換嗟潛  
隧兮旣敞將送形兮長往委蘭房兮繁華襲窮

泉兮朽壤中慕叶兮揮標之子降兮宅兆撫靈  
輓兮訣幽房棺冥冥兮挺竄竄戶闔兮燈滅夜  
何時兮復曉歸反哭兮殯宮聲有止兮哀無終  
是乎非乎何遑趣一遇兮日中既遇日兮無兆  
曾寤寐兮弗夢既顧瞻兮家道長寄心兮爾躬  
重曰已矣此蓋新哀之情然耳渠懷之其幾何  
庶無愧兮莊子



爲楊長文作弟仲武哀祝文

悠悠上天我獨何辜祖考早世兄弟幼孤備嘗  
艱毒同集蓼荼父兮生我過庭靡聞毋兮鞠我  
寧一苦辛日顧日復我弟我身並自垂髮越于  
成人濬哲聰朗純粹溫良烈烈清風邦族之望  
毋氏劬勞庶爾之報彼蒼者天子何不弔殲我  
令弟窮泉是造無父何怙無弟何友煢煢此身  
哀哀慈母煩冤痛毒撫心思咎哀爾薄祐逢家  
多阻弱冠未室盛年絕緒喪庭寥廓廬位無主

冥冥長夜窈窈玄宇當復何時見我仲武于以  
祔之于其王父魂而有靈神其寧處

京陵公主女王氏哀辭

猗歟公子季女惟王生自洪冒稟茲義方盼倩  
粲麗窈窕淑良如彼春蘭吐葩含芳葩以霜隕  
甥以歆盡彼蒼者天胡寧斯忍曾未弱笄無疾  
而隕官朝震驚靡人不慙嗟爾母氏劬勞撫鞠  
恩斯勤斯是長是育帷屏媚子奄離顧復哀無  
廢心涕不輟目于以祖之于掖庭閨于以送之  
陵岡崔嵬僕馬迴眷旗旒旋飛夕陽失映晴鳥  
忘歸皎皎霄月載盈載微冥冥公子一往不追

長夜無旦孤魂曷依

陽城劉氏妹哀辭

鳥鳴于栢烏號于荆排徊躑躅立聞其聲相彼  
羽族矧伊人情叩心長叫痛我同生誕育聖善  
發奇稚齒如彼名駒昂昂千里劉氏懷寶未曜  
隋和伊予輕弱弗克負荷祿微于朝貯置于家  
俾我令妹勤儉備加珍羞罕御器服靡華撫膺  
恨毒逝矣奈何哀哀母氏蒸蒸聖慈震動擗摑  
何痛如之魂而有靈豈不慕思嗟哉往矣當復  
何時

金鹿哀辭

嗟我金鹿天姿特挺鬚髮凝膚蛾眉螭領柔情  
和泰朗心聰警嗚呼上天胡忍我門良嬪短世  
令子天昏旣披我幹又剪我根塊如癰木枯菱  
獨存捐子中野遵我歸路將反如疑廻首長顧

傷弱子辭

予之長安次于新安千秋亭而弱子夭感羸博  
之哀乃傷之曰

柰何兮弱子邈棄爾兮丘林還眺兮墳瘞草莽  
莽兮木森森伊遼世之遐胄逮祖考之永延咨  
吾家之不嗣羌一適之未甄仰崇堂之遺構若  
無津而涉川葉落永離覆水不收赤子何辜罪  
我之由

悲邢生辭

周文王之苗裔予元舅之洪胄厲操確其不拔  
鄉譽著而且就妙邦畿而高察雄州間以擢秀  
茂實暢矣而休名未衍其財至貧其位至賤而  
死之日奔者盈庭停予車而在郊撫靈櫬以增  
悲瞻轎容而想像曾無覩乎餘輝送子兮境垂  
永訣兮路岐一別兮長絕盡哀兮告離



爲任子咸妻作孤女澤蘭哀辭

澤蘭者任子咸之女也涉三齡未沒衰而殞余聞而悲之遂爲其卹辭

泫泫造化爰啓英淑猗猗澤蘭應靈誕育鬢髮蛾眉巧笑美目顏耀榮若華茂時菊如金之精如蘭之馨淑質彌暢聰慧日新朝夕顧復夙夜盡勤彼蒼者天哀此矜人胡寧不惠忍予眇身俾爾嬰孺微命弗振俯覽衾綈仰訴穹旻弱子在懷旣生不遂存靡託躬沒無遺類耳存遺響

目想餘顏寢席伏枕摧心割肝相彼鳥矣和鳴  
嚶嚶矧伊蘭子音影冥冥彷徨丘隴徙倚墳塋

祭文

吊孟嘗君文

人罔貴賤士無真僞延人如歸望賓若企出握  
秦機入專齊政右盼而羸強左顧而田競且以  
造化爲水天地爲舟樂則齊喜怒哀則同憂豈區  
區之國而大邦是謀瑣瑣之身而名利是求畏  
首畏尾東奔西囚志撓於木偶命懸於狐裘

爲諸婦祭庾新婦文

潛形幽覲寧神舊宇室虛風生牀塵帷舉自我  
不見載離寒暑雖則乖隔哀亦時敘啓殯今夕  
祖行明朝雨絕華庭埃滅大宵儷執篋簪偕奉  
夕朝髣髴未行顧瞻弗獲伏膺飲淚感今懷昔  
懷昔伊何祁祁娣姒感今伊何冥冥吾子形未  
廢目音猶在耳

哭弟文

視不見兮聽不聞  
逝日遠兮憂彌殷  
終皓首兮何時忘  
情楚惻兮常苦辛

潘黃門集卷之六

晉滎陽潘岳安仁著

明閩漳張熒紹和纂

誄

世祖武皇帝誄

粵若稽古帝皇誕受休命作我晉室赫赫文皇  
配天並日大行龍飛創制改物沉恩汪濊流澤  
洋溢上齊七政下綏萬邦四門穆穆五典克從  
惟清緝熙於變時雍愛盡事親教加百姓于喪

過哀在祭餘敬后蠶冕服躬籍案盛六代畢奏  
九功咸詠行敦醇樸思貫玄妙蒞政端位臨朝  
光曜胄子入學辟雍宗禮國老恂恂貴遊濟濟  
莫孱匪子莫悌匪弟化自外明訓法以禮獷彼  
吳楚稱亂三代世歷五僞年幾百載邊垂虔劉  
王化阻閼羽檄星馳鉦鼓日戒帝御群帥奉辭  
奪旅腹心庭爭爪牙疑沮天監獨照聖策乃舉  
朝服濟江止戈曜武野無交兵役不淹月僭號  
歸命稽顙晉闕邪界蠻流傍納百越表閭旌善

德音爰發虞人獻箴周書垂誥酒懼其彝獸戒  
其冒於我大行縱心所好動不踰矩性與道奧  
厭厭酣飲樂不辨顏桓桓振旅田無遊盤我德  
如風民應如蘭靡不夙夜無敢宴安務農望歲  
時或不稔小心翼翼恤民以甚御坐不怡撤膳  
賑廩西流垂精南金抑施永言孝思天經地義  
問誰贊事英彥髦士問誰翼侍博物君子潛明  
神鑒從衆屈已道濟群生爲而不恃先天弗違  
後天降時萬物熙熙懷而慕慕思頤頤縉紳不



謀同辭巖巖岱宗想望翠旗恭惟大行功成不  
居議寢封禪心棲冲虛策告不足太平有餘七  
十二君方之蔑如思樂天德等壽嵩華如何寢  
疾背世登遐遷幸梓宮孤我邦家龜筮既襲吉  
冊惟良永指太極寧神峻陽群后擗踊長訣輶  
輅聖靈斯顧豈伊不傷家無遠邇邦靡小大四  
海供職同軌畢會茫茫原野亭亭素蓋縞輅解  
鸞白虎弭旒龍輶卽定玄闕載倚如天斯崩如  
地斯傾哀哀庶寮皦皦自愍彼蒼者天胡寧斯

恐聖君不返我獨旋軫

太宰魯武公誄

昂昂公侯實天誕育八元斯九五臣茲六揜討  
逆節折衝江湖走欽嶠儉梟誣弊吳公于出征  
爰整其旅壘未越郊麾不及舉秦涼獲父西戎  
卽敘他人之賢譬彼丘陵邈矣公侯如日之昇  
泰山其頽寢疾不興遐邇曷仰社稷焉憑生則  
榮易終哀實難靡不春華鮮克歲寒於呼公隕  
率土含酸趙喪望諸列國同傷秦亡蹇叔春者  
不相桃李不言下自成行德之休明沒能彌彰

楊荊州誄

有序

維咸寧元年夏四月乙丑晉故折衝將軍荊州  
刺史東武戴侯滎陽楊使君薨嗚呼哀哉夫天  
子建國諸侯立家選賢與能政是以和周賴尙  
父殷憑太阿矯矯楊侯晉之爪牙忠節克明茂  
績維嘉將宏王畧肅清荒遐降年不永玄首未  
華銜恨沒世命也柰何嗚呼哀哉自古在昔有  
生必死身沒名垂先哲所躋行以號彰德以述  
美敢託旒旗爰作斯誄其辭曰

邈矣遠祖系自有周昭穆繁昌枝庶分流族始  
伯喬氏出楊侯奕世丕顯允迪大猷天厭漢德  
龍戰未分伊君祖考方事之殷烏則擇木臣亦  
簡君投心外朝策名委身齊雖淵塗跨騰風雲  
或統驍騎或據領軍篤生戴侯茂德繼期纂戎  
洪緒克構堂基弱冠味道無兢惟時孝實蒸蒸  
友亦怡怡多才豐藝彊記洽聞目睇毫末心筭  
無垠草隸兼善尺牘必珍足不輟行手不釋文  
翰勩若飛紙落如雲學優則仕乃從王政散璞

發輝臨軹作令化行邑里惠洽百姓越登司官  
肅我朝命惟此大理國之憲章君蒞其任視民  
如傷庶獄明愼刑辟端詳聽參臯呂稱佯于張  
改授農政于彼野王倉盈庾億國富兵彊煌煌  
文后鴻漸晉室君以兼資參戎作弼用錫土宇  
膺茲顯秩青社白茅赤朱其紱魏氏順天聖皇  
受終烈烈楊侯實統禁戎司管閭闔清我帝宮  
苛慝不作穆如和風謂督勲勞班命彌崇茫茫  
海岱玄化未周滔滔江漢疆場分流秉文兼武

時惟楊侯旣守東莞乃牧荊州折衝萬里對揚  
王休聞善若驚疾惡如讎示威示德以伐以來  
吳夷凶侈僞師畏逼將乘讎釁席卷南極繼塞  
糧盡神謀不忒君子之過引曲推直如彼日月  
有時則食負執其咎功讓其力亦旣旋旆爲法  
受黜退守丘塋杜門不出游目典墳縱心儒術  
祈祈縉紳升堂入室靡事不容無疑不質位貶  
道行身窮志逸弗慮弗圖乃寢乃疾昊天不弔  
景命其卒嗚呼哀哉子囊佐楚遺言城郢史魚

諫衛以尸顯政伊君臨終不忘忠敬寢伏床蓐  
念在朝廷朝達其辭夕隕其命聖王嗟悼寵贈  
衾襚詠德策勲考終定謚群辟動懷邦族揮淚  
孤嗣在疚寮屬含悴赴者同哀路人增歔嗚呼  
哀哉余以頑蔽覆露重陰仰追先考執友之心  
俯感知已識達之深承諱怛涕淚霑襟豈忘  
載奔憂病是沈在疾不省於亡不臨舉聲增慟  
哀有餘音嗚呼哀哉



夏侯常侍誄

夏侯湛字季若譙國譙人也少知名弱冠辟太尉府掾賢良方正徵爲太子舍人尙書郎野王令中書郎南陽相家艱乞還頃之選爲太子僕未就命而世祖崩天子以爲散騎常侍從班列也春秋四十有九元康元年夏五月壬辰寢疾卒於廷熹里第嗚呼哀哉乃作誄曰

禹錫玄珪實曰文命克明克聖光啓夏政其在于漢邁勲惟嬰思弘儒業小大雙名顯祖曜德

牧兗及荆父守淮岱治亦有聲英英夫子灼灼  
其雋飛辯摘藻華繁玉振如彼隨和發彩流潤  
如彼錦纈列素點綢人見其表莫測其裏徒謂  
吾生文勝則史心照神交唯我與子且歷少長  
逮觀終始子之承親孝齊閔參子之友悌和如  
瑟琴事君直道與朋信心雖實唱高猶賞爾音  
弱冠厲翼羽儀初升公亨旣紹皇輿乃徵內贊  
兩宮外宰黎蒸忠節允著清風載興泱彼樂都  
寵子惟王設官建輔妙簡邦良用取喉舌相爾

南陽惠訓不倦視人如傷乃眷北顧辭祿延熹  
余亦偃息無事明時疇昔之游二紀于茲斑白  
攜手何歎如之居吾語汝衆實勝寡人惡儔異  
俗疵文雅執戟疲楊長沙投賈無謂爾高耻居  
物下子乃泯然變色易容慨然嘆曰道固不同  
爲仁由已匪我求蒙誰毀誰譽何去何從莫涅  
匪緇莫磨匪磷子獨正色居屈志申雖不爾以  
猶致其身獻替盡規媚茲一人讜言忠謀世祖  
是嘉將僕儲皇奉轡承華先朝末命聖烈顯加

入侍帝闈出光厥家我聞積善神降之吉宜享  
遐紀長保天秩如何斯人而有斯疾曾未知命  
中年隕卒嗚呼哀哉惟爾之存匪爵而貴其食  
美服重珍兼味臨終遺誓永錫爾類歛以時襲  
殯不簡器誰能拔俗生靈其養孰是養生而薄  
其葬淵哉若人縱心條暢傑操明達困而彌亮  
柩輅旣祖容體長歸存亡永訣逝者不追望子  
舊車覽爾遺衣幅抑失聲迸涕交揮非子爲慟  
吾慟爲誰嗚呼哀哉日往月來暑退寒襲零露

霜凝勁風淒急慘爾其傷念我良執適子素館  
撫孤相泣前思未弭後感仍集積悲滿懷逝矣  
安及嗚呼哀哉

馬汧督誄

惟元康七年秋九月十五日晉故督守關中侯  
扶風馬君卒嗚呼哀哉初雍部之內屬羌反未  
弭而編戶之氏又肆逆焉雖王旅致討終於殄  
滅而蜂蠆有毒驟失小利俾百姓流亡頻於塗  
炭建威喪元於好畤州伯宵遯乎大谿若夫偏  
師裨將之隕首覆車者蓋以十數剖符專城紆  
青拖墨之司奔走失其守者相望於境秦隴之  
僭輩更爲魁旣已襲汧而館其縣子以眇爾之

身介乎重圍之裏率寡弱之衆據十雉之城羣  
氏如蝟毛而起四面雨射城中城中鑿穴而處  
負戶而汲木石將盡焦蘇乏竭芻蕘罄絕於是  
乎發梁棟而用之芻以鐵鑲機關旣縱礮而又  
升焉爨陳焦之麥柿栢楠之松用能薪芻不置  
人畜取給青煙傍起櫪馬長鳴凶醜駭而疑懼  
乃闕地而攻子命穴浚塹置壺鋪旆旒以偵之  
將穿城響作因焚穢火薰之潛氏殲焉久之安  
西之救至竟免虎口之厄全數百萬石之積文

契書於幕府聖朝疇咨進以顯秩殊以幢蓋之  
制而州之有司乃以私隸數口穀數十斛考訊  
吏兵以積楚之辭連之大將軍屢抗其疏曰敦  
固守孤城獨當羣寇以少禦衆載離寒暑臨危  
奮節保穀全城而雍州從事忌敦勲效極推小  
疵非所以褒獎元功宜解救禁劾假授詔書遽  
許而子固以下獄發憤而卒也朝廷聞而傷之  
策書曰皇帝咨故督守關中侯馬敦忠勇果毅  
率屬有方固守孤城危逼獲濟寵秩未加不幸



喪亡朕用悼焉今追贈牙門將軍印綬祠以少牢蒐而有靈嘉茲寵榮然潔士之間穢其庸致思乎若乃下吏之肆其噤害則皆妬之徒也嗟乎妬之欺善抑亦貿首之讎也語曰或戒其子慎無爲善言固可以若是悲夫昔乘丘之戰縣賁父御魯莊公馬驚敗績賁父曰他日未嘗敗績而今敗績是無勇也遂死之國人浴馬有流矢在白肉公曰非其罪也乃誅之漢明帝時有司馬叔持者白日於都市手劒父讎視死如歸

亦命史臣班固爲之誄然則忠孝義烈之流慷慨非命而死者綴辭之士未之或遺也天子旣已策而贈之微臣託乎舊史之末敢闕其文哉乃作誄曰

知人未易人未易知嗟茲馬生位末名卑西戎猾夏乃奮其奇保此汧城救我邊危彼邊奚危城小粟富子以耿身而裁其守兵無加衛墉不增築婪婪群狄豺虎競逐犖更恣睢潛時官寺齊萬虓闕震驚台司聲勢沸騰種落煽熾旌旗

電舒戈矛林植彤珠星流飛矢雨集惴惴士女  
號天以泣爨麥而炊負戶以汲累卵之危倒懸  
之急馬生爰發在險彌亮精貫白日猛烈秋霜  
稜威可厲懦夫克壯霜恩撫循寒士挾纊蠡蠹  
犬羊阻衆陵寡潛隱密攻九地之下慙慙窮城  
氣若無假昔命懸天今也惟馬惟此馬生才博  
智贍偵以瓶壺劇以長漚鍾未見鋒火以起燭  
薰尸滿窟拊穴以歛木石置竭其穉空虛矚然  
馬生倣若有餘芻梁爲礪柿松爲芻守不乏械

櫜有鳴駒哀哀建威身伏斧質悠悠烈將覆車  
喪器戎釋我徒顯誅我帥以生易死疇克不二  
聖朝西顧關右震惶分我汧虜化爲寇糧實賴  
夫子思慕彌長咸使有勇致命知方我雖末學  
聞之前典十世宥能表墓旌善思人愛樹甘棠  
勿剪矧矧君子功深疑淺兩造未具儲隸蓋鮮  
孰是勲庸而不獲免猾哉部司其心反側斲善  
害能醜正惡直牧人逶迤自公退食聞穢鷹揚  
曾不戢翼忘爾大勞猜爾小利苟莫開懷于何

不至慨慨馬生礧礧高致發憤囹圄沒而猶眊  
嗚呼哀哉安平出奇破齊克完張孟運籌危趙  
獲安汧人賴子猶彼談單如何吝嫉搖之筆端  
傾倉可賞矧云私粟狄隸可頒况曰家僕剔子  
雙龜質以三木功存汧城身死汧獄凡爾同圉  
心焉摧剝扶老携幼街號巷哭嗚呼哀哉明明  
天子旌以殊恩光光寵贈乃牙其門司勳班爵  
亦兆後昆死而有靈庶慰冤冤嗚呼哀哉

楊仲武誄

楊經字仲武滎陽宛陵人也中領軍肅侯之曾  
孫荊州刺史戴侯之孫東武康侯之子也八歲  
喪父其母鄭氏光祿勳密陵成侯之元女操行  
甚高恤養幼孤以保父大家而免諸艱難戴侯  
康侯多所論著又善草隸之藝子以妙年之秀  
固能綜覽義旨而軌式模範矣雖舅氏隆盛而  
孤貧守約心安陋巷體服菲薄余甚奇之若乃  
清才雋茂盛德日新吾見其進未見其已也旣

藉三葉世親之恩而子之妹予之伉儷焉往歲  
卒於德宮里喪服周次緇緇累月苟人必有心  
此亦款誠之至也不幸短命春秋二十九元康  
九年夏五月巳亥卒時年哀哉乃作誄曰

伊子之先奕葉熙隆惟祖德曾載揚休風顯考  
康侯無祿早終名器雖光勲業未融篤生吾子  
誕茂淑姿克岐克嶻知章知微鉤深探賸味道  
研幾匪直也人邦家之輝子之遘閔曾未亂髮  
如彼危根當此衝飈德之休明靡幽不喬弱冠

流芳儁聲清劬爾舅惟榮爾宗惟瘁幼秉殊操  
違豐安置撰錄先訓俾無隕墜舊文新藝罔不  
必肄潘揚之穆有自來矣矧乃今日慎終如始  
爾休爾戚如實在已視予猶父不得猶子敬亦  
旣篤愛亦旣深雖殊其年實同厥心日昃景西  
望子朝陰如何短折背世湮沈嗚呼哀哉寢疾  
彌留守茲孝友臨命忘身顧戀慈母哀哀慈母  
痛心疾首噉噉同生悽悽諸舅春蘭擢莖方茂  
其華荆寶挺璞將剖於和含芳委曜毀壁摧柯



嗚呼仲武痛哉柰何德宮之艱同次外寢惟我  
與爾對筵接枕自時迄今曾未盈稔姑姪繼隕  
何痛斯甚嗚呼哀哉披帙散書屢觀遺文有造  
有寫或草或真執玩周復想見其人紙勞于手  
涕霑于巾龜筮旣襲塋隧旣開痛矣楊子與世  
長乖朝濟洛川夕次山隈歸鳥頽頽行雲徘徊  
臨穴永訣撫櫬盡哀遺形莫紹增慟余懷覓兮  
仁矣梁木實推嗚呼哀哉

宜城宣君誄

行成于已名生于人考終定謚實曰宣君祝宗  
蒞事卿相奉引輕車整駕弁士列陣轡轡依容  
輶車升櫬

庾尚書誄

寬而能懷威而不猛化符如形民應如影晻晻  
虛坐翩翩玄慕几塵生塵空節寥廓

南陽長公主諫

昔唐女嬪嬀書敘釐降之美周姬適齊詩詠肅  
雍之歌漢之新野以節義垂號千載伊晉之獻  
主以聰明睿智考終定謚茲可謂母儀純備邁  
蹤古烈者已惜乎不永背世湮沈爰託素旂式  
章徽音

主之誕育旣纂洪胄德之休明亦固天授思心  
婉孌淑質純茂母儀不忒內則靡疚肇自弱笄  
有馥其芬言告言歸作合於荀在貴思降處逸

能勤上虞諸姑傍接支嬪內諧閨闕外和族姻  
終溫且惠淑慎其身積善餘慶啓茲名胤勵以  
惠肅誨以柔順主實體化不言而信二子遵式  
匪嚴而峻於穆獻后奕代熙盛重作大司黎牧  
火正國之仁姑家之慈母天道輔賢宜享遐壽  
如何短命曾不華首寢疾弗興繁榮摧朽嗚呼  
哀哉容車戒路祖奠在庭駢驂躊躇服馬悲鳴  
皇輿親臨望旗失聲列辟咸起灑淚霑纓嗚呼  
哀哉旣次墓門降柩升輜靈衣從風素幕生塵

明燎守夜竦紉俟晨曠曠遺闕荒荒孤臣號無  
廢音涕不輟巾

皇女誄

厥初在鞠玉盾華繁玄髮脩靡蛾眉連娟清顯  
橫流明眸朗鮮迎時夙智望歲能言亦旣免懷  
提携紫庭聰惠機警授色應聲疊疊其進好曰  
之經辭令容止閑於幼齡猗猗春蘭柔條含芳  
落英彫矣從風飄揚妙好弱媛窈窕淑良孰是  
人斯而離斯殃靈殞旣祖次此暴廬披覽遺物  
徘徊舊居手澤未改領臚如初孤魂遐逝存亡  
永殊嗚呼哀哉

附錄

潘岳傳

唐太宗

潘岳字安仁滎陽中牟人也祖瑾安平太守父  
昆琅刑內史岳少以才穎見稱鄉邑號爲奇童  
謂終賈之儔也早辟司空太尉府舉秀才太始  
中武帝躬耕籍田岳作賦以美其事岳才名冠  
世爲衆所疾遂栖遲十年出爲河陽令負其才  
而鬱鬱不得志時尙書僕射山濤領吏部王濟  
裴楷等並爲帝所親遇岳內非之題閣道爲謠



後轉懷令時以逆旅遂末廢農好淫亡命多所  
依湊敗亂法度勑當除之十里一官攤使老小  
貧戶守之又差吏掌主依客舍收錢岳上其議  
朝廷從之岳頻宰二邑勤于政績調補尚書度  
支郎遷廷尉平以公事免楊駿輔政高選更佐  
引岳爲太傳主簿駿誅除名初譙人公孫宏少  
孤貧客居于河陽善鼓琴頗屬文岳之爲河陽  
令愛其才藝待之甚厚至是宏爲楚王瑋長史  
專殺生之政時駿綱紀皆當從坐同署主簿榮

振已就戮岳其夕取急在外宏言之肆謂之假  
吏故得免未幾選爲長安令作西征賦述所經  
人物山水文清旨請辭多不錄徵補博士未召  
以母疾輒去官免尋爲著作郎轉散騎侍郎遷  
給事黃門侍郎岳性輕躁趨世利與石崇等譖  
事賈謐每候其出與崇輒望塵而拜搆愍懷之  
文岳之辭也謐二十四友岳爲其首謐晉書限  
斷亦岳之詞也其母數誚之曰爾當知足而乾  
沒不已乎而岳終不能改旣仕宦不達乃作閑

居賦初芘爲瑯邪內史孫秀爲小吏給岳而狡黠自喜岳惡其爲人數撻辱之秀常銜忿及趙王倫輔政秀爲中書令岳于省內謂秀曰孫令猶憶疇昔周旋不荅曰中心藏之何日亡之岳于是自知不免俄而秀遂誣岳及石崇歐陽建謀奉淮南王允齊王問爲亂誅之夷三族岳將詣市與母別曰負阿母初被收俱不相知石崇已送在市岳後至崇謂之曰安仁卿亦復爾邪岳曰可謂白首同所 岳金谷詩云投分寄石

友白首同所歸乃成其讖岳母及兄侍御史釋  
弟燕令豹司徒掾據據弟詵兄弟之子已出之  
女無長幼一時被害唯釋子伯武逃難得免而  
豹女與其母相抱號呼不可解會詔原之岳美  
姿儀辭藻絕麗尤善爲哀誄之交少時常挾彈  
出洛陽道婦人遇之者皆連手縈繞投之以果  
遂滿車而歸時張載甚醜每行小兒以瓦石擲  
之委頓而反

史臣曰安仁思緒雲騫詞鋒景煥前史儔於賈

註先達方之士衡賈論政範源王化之陶鑄潘  
著哀詞貫人靈之情性機文喻海韞蓬山而育  
蕪岳藻如江濯美錦而增絢混三家以通校爲  
二賢之亞匹矣然其挾彈盈果拜塵趨貴蔑棄  
倚門之訓乾沒不逞之間斯才也而有斯行也  
天之所賦何其駁歟

贊曰岳實含章藻思抑揚趨權冒勢終亦罹殃

給事黃門侍郎潘君碑

姪潘 尼

君遇孫秀之難闔門受禍故門生感覆醢以增  
慟乃樹碑以紀事

贈河陽叔詩

晉潘 尼

處生化單父子奇  
蒞東阿桐鄉建遺烈  
武城播絃歌  
逸驥騰夷路  
潛龍躍洪波  
弱冠步鼎鉉  
旣立宰三河流  
聲馥秋蘭  
摘藻豔春華  
徒美天姿茂  
豈謂人爵多

詠安仁得果

梁李孝勝

潘岳河邊返情知  
擲果多閉薨  
聽不見無柰識車何

又

梁談士雲

月上河陽縣來看洛陽花  
擲果人相問非是故  
停車



遺事

樂令將讓河南尹請潘岳爲表潘云可作耳要  
當得君意樂爲述已所以爲讓標位二百許語  
潘直取錯綜便成名筆時人咸云若樂不假潘  
之文潘不取樂之旨則無以成斯矣

世說  
新語

潘岳夏侯湛並有美容喜同行時人謂之連璧

世說  
新語

集評

潘文爛若披錦無處不善

係興公

降及元康潘陸特秀律典班賈體變曹王縉旨

星稠繁文綺合

沈約

潘岳詩其源出於仲宣翰林歎其翩翩然如翔禽之有羽毛衣服之有綃縠猶淺於陸機謝琨云潘詩爛若舒錦無處不佳陸文似披沙簡金往往見寶礫謂益壽輕華故以潘爲勝翰林篤論故謂陸爲深余常言陸才如海潘才如江孫

興公曰潘文淺而淨陸文深而蕪

詩品

蘇慎張升並述哀文雖發其情華而未極心實

潘岳繼作實踵其美其慮善辭變情洞悲苦

敘事如傳結言摹詩促節四言鮮有緩句故能

義直而文婉體舊而趣新金鹿澤蘭莫之或繼

也

文心  
雕龍

潘岳敏給辭自和暢鍾美於西征賈餘於哀誄

非自外也

文心  
雕龍

安仁輕敏故鋒發而韻流

文心  
雕龍

太冲安仁策勲於鴻規

文心  
雕龍

潘岳構誅專師孝山巧於序悲易入新切所以

隔代能徵厥聲者也

文心  
雕龍

潘岳之祭庾婦奠祭之恭哀也

文心  
雕龍

岳爲文選言簡章清綺絕倫

續文  
章志

安仁質勝於文有古意但澄汰未精耳

詩譜

安仁笙賦時陽初暖臨川送離酒酣徒擾樂闋

日移疎客始闌主人微疲弛絃韜箏徹塤屏篴

爾乃促中筵攜友生解嚴顏擢幽情披黃苞以

授甘傾縹瓷以酌醺光妓儼其階列雙鳳嘈以  
和鳴此數語分明畫出酒筵光景何元朗嘗使  
人據此爲圖大槩安仁賦多有興趣史謂其思  
緒雲霧詞鋒景換信哉

藝海  
洞酌

糾繆

思游賦

有軒轅之遐胄兮氏仲壬之洪裔敷華頽於末  
葉兮晞靈根於上世準乾坤以幹度兮儀陰陽  
以定制匪時運其焉行兮乘太虛而遙曳戴朗  
月之高冠兮綴太白之明璜製文霓以爲衣兮  
襲采雲以爲裳要華電之煜爚兮珮玉衡之琳  
琅明景日以鑒形兮信煥曜而重光至美詭好  
於凡觀兮脩稀合而靡呈燕石緹襲以華國兮

和璞遙棄於南荆夏像韜塵于市北兮甌壘抗  
方於兩楹鸞皇耿介而偏棲兮蘭桂背時而獨  
榮閱寒暑以練真兮豈改容而爽情感昆吾之  
易越兮懷暉光之速暮羨一稔而三春兮尙含  
英以容豫悼曜靈之靡暇兮限天啓之有度聆  
鳴蜩之號節兮恐隕葉于凝露希前軌而增驚  
兮眷後塵而旋顧往者倏忽而不逮兮來者冥  
昧而未著二儀泊焉其無央兮四節環轉而靡  
窮星鳥逝而時反兮夕景潛而且融旻三后之

在天兮嘆聖哲之永終諒道脩而命微兮孰舍  
盈而戢冲握隋珠與蕙若兮時莫究而未遑彼  
未遑其何恤兮懼獨美之有傷蹇委謝而投粦  
兮庶芬藻之不彰芳處幽而彌馨兮寶在夜而  
愈光逼區內之迫脅兮思攄翼乎八荒望雲階  
之崇壯兮願輕舉而高翔造庖犧以問象兮辨  
吉繇於姬文將遠遊於太初兮覽形魄之未分  
四靈儼而爲衛兮六氣紛以成羣驂白獸於商  
風兮御蒼龍於景雲簡廝徒於靈囿兮從馮夷



而問津召陵陽於游谿兮旌王子於柏人前祝  
融以掌燧兮殿玄冥以掩塵形影影而遂遐兮  
氣亹亹而愈新挹玉膏於萊嶠兮掇芝英於瀛  
濱揖太昊以假懋兮聽賦政於三春洪範翁而  
復張兮百卉隕而更震聊玉女之紛影兮執懿  
筐於扶木覽玄鳥之韓昇兮仍騰躍乎陽谷吸  
朝霞以療饑兮降廩泉而濯足將從轡以逍遙  
兮恨東極之路促詔織阿而右廻兮覲朱明之  
赫曦蒞羣神於夏庭兮廻蒼梧而結知纒焦明

以承旂兮驅天馬而高馳讒義和於丹丘兮誚  
倒景之亂儀尋凱風而南暨兮謝太陽於炎離  
戚溽暑之陶鬱兮余安能乎留斯聞碧雞之長  
晨兮吾將往乎西游粵浮蠲於弱水兮泊舳艫  
兮中流苟精粹之攸存兮誠沈羽以沒舟軼望  
舒以陵厲兮羌神漂而氣浮訊碩老於金室兮  
采舊聞於前脩譏淪陰於危山兮問王母於椒  
丘觀玄鳥之參趾兮會根一之神籌擾冕兔於  
月窟兮詰姮娥於蓐收爰攬轡而旋驅兮訪比

曳之倚伏乘增永而遂濟兮凌固陰之所潛探  
龜虵於幽穴兮瞰罔養之潛育晒倏忽之躁狂  
兮喪中黃於耳目俯燭龍而游衍兮窮大明於  
北陸攀招搖而上躋兮忽蹈廓而凌虛登閭闔  
而遣眷兮頽玄黃於地輿召黔雷以先導兮覲  
天帝於清都觀渾儀以寓目兮拊造化之大鑪  
爰辨惑於上皇兮稽吉凶之元符唐則天而民  
咨兮癸亂常而感虞孔揮涕於西狩兮臧考祥  
於婁句跼肆暴而保乂兮顏履仁而夙徂何否

泰之靡所兮眩榮辱之不圖運可期兮不可思  
道可知兮不可爲求之者勞兮欲之者惑信天  
任命兮理乃自得且夫四位爲匠乾坤爲鈞散  
而爲物結而爲人陽降陰升一替一興流而爲  
川滯而爲陵禍不可攘福不可徵其否兮有豫  
其泰兮有數成形兮未察靈像兮已固承明訓  
以發蒙兮審性命之靡求將澄神而守一兮奚  
飄飄而遐遊斐陳辭以告退兮主悖惘而永歎  
惟升降之不仍兮詠別易而會難願大饗以致

好兮聊息駕於一食會司儀於有始兮延嘉賓  
於九乾陳鈞天之廣樂兮展萬舞之至歡枉矢  
鑠其在手兮狼弧翺其斯彎睨翟犬於帝側兮  
殪熊羆於靈軒爾乃清道夙蹕載輪脩祖班命  
受號轡輶整旅兆司鬱以屈路兮萬靈森而陳  
庭豐隆軒其警衆兮鉤陳帥以屬兵堪輿竦而  
進時兮文昌肅以司行抗蚩尤之脩旃兮建雄  
虹之采旌乘雲車電鞭之扶輿委移兮駕應龍  
青虬之容裔陸離俯遊光逸景倏爍微霍兮仰

流旌垂旌焱攸織纒前湛湛而攝進兮後傑傑  
而方馳且啓行於重陽兮奄稅駕乎少儀跨列  
缺兮闕乾以揮玉關兮出天門涉漢津兮望崑  
崙經赤霄兮臨玄根觀品物兮終復魂形已消  
兮氣猶存眺懸舟之離離兮懷舊都之藹藹仍  
繁榮而督引兮將遄降而速邁華雲依霏而翼  
衡兮日月炫晃而映蓋蹈煙煴兮辭天衢心闔  
易兮識故居路遂適兮情欣欣奄忽歸兮反常  
間脩中和兮崇彝倫大道繇兮味琴書樂自然

今識窮達澹無思分心恒娛

此篇係摯虞作載在晉書而劉梅國廣文選  
誤稱潘岳今刪出